



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Grvmerio Episcopo Placentino.

**urn:nbn:de:hbz:466:1-20006**

meris coruscans miraculis sub celebri custodia venerabiliter conservatur, congruis debeat honoribus frequentari, omnibus verè penitentibus & confessis qui ad monasterium ipsum in solemnitate ipsius sanctissimæ Dominæ ac octo diebus sequentibus causa devotionis accesserint annuatim, de omnipotentis Dei misericordia & beatorum Petri & Pauli Apostolorum ejus auctoritate confisi, quadraginta dies de injuncta eis penitentia annis singulis misericorditer relaxamus. Datum apud sanctum Stephanum Nonis Novembris, pontificatus nostri anno secundo.

*GRUMERIO EPISCOPO  
Placentino.*

Epist. 304.  
De confirmatione privilegiorum.  
Vide supra p. 393. caj.

**I**nnocentius Episcopus servus servorum Dei venerabili fratri Grumerio Placentino Episcopo ejusque successoribus canonice substituendis in perpetuum. In eminenti apostolicae sedis specula divina disponente clementia constituti, fratres nostros Episcopos, & illos præcipue qui honestate atque religione pollere noscuntur, debemus ampliori caritatis affectu diligere, & commissas sibi Ecclesiæ attentiùs confovere, ut tanto diligentius injunctum sibi ministerium peragere studeant, quanto se cognoverint apud Romanam Ecclesiæ majorem gratiam invenisse. Eapropter, venerabilis in Christo frater Episcope, tuis justis postulationibus clementer annuimus, & prefatam Placentinam Ecclesiæ, cui Deo auctore præesse dinoscereis, prædecessorum nostrorum fel. mem. Paschalis, Adriani, & Alexandri Romanorum Pontificum vestigiis inharentes, sub beati Petri & nostra protectione suscipimus, & præsentis scripti privilegio communimus. Statuentes ut quascunque possessiones, quæcunque bona, eadem Ecclesiæ in præsentiarum justè & canonice possideret, aut in futurum concessionem Pontificum, largitione Regum vel Principum, oblatione fidelium, seu aliis justis modis præstante Domino poterit adipisci, firma vobis vestrisque successoribus & illibata permaneant. in quibus hæc propriis duximus exprimenda vocabulis. Monasterium S. Savini, cum omnibus Ecclesiis & pertinentiis suis. Monasterium sancti Sepulchri, cum cellis & pertinentiis suis. Monasterium sancti Benedicti, quod olim vocatum est sancti Marii, cum omnibus Ecclesiis & pertinentiis suis. Monasterium sancti Alexandri, cum omnibus pertinentiis suis. Monasterium sancti Gregorij, cum omnibus Ecclesiis & pertinentiis suis. Monasterium sancti Syri, quod est puellarum. Monasterium de Montebello, cum Ecclesiis & pertinentiis suis. Monasterium sanctæ Mariæ de Columba. Monasterium sancti Salvatoris de Pulsano. Cum Abbatum consecrationibus & Clericorum ordinationibus. Infra civitatem Parmensem, Ecclesiæ sancti Vitalis, cum omnibus pertinentiis suis. In Parmensi episcopatu, plebem quæ vocatur Basilica Iulianæ, cum omnibus Capellis & pertinentiis suis. Ecclesiæ de Gusernæ, cum omnibus pertinentiis suis. Ecclesiæ de Portu Aberæ, plebem de Palatio Apiani, cum omnibus Capellis & pertinentiis suis, & Capellam Cremæ ad eandem plebem pertinenter. Ecclesiæ sanctæ Mariæ de Columba. Ecclesiæ sancti Salvatoris de Ponzan. Infra civitatem Placentinam, Ecclesiæ sancti Antonini, cum omnibus Ecclesiis & pertinentiis suis. Ecclesiæ sanctæ Euphemiae, cum Capella & pertinentiis suis. Ecclesiæ sanctæ Mariæ in Gariveri, Ecclesiæ sancti Oderici, Ecclesiæ sancte Brigidæ, Ecclesiæ sancti Gervasij, Ecclesiæ sancti Protasij, Ecclesiæ sanctorum Apostolorum Philippi & Iacobi, quæ vocatur sancti Salvatri, Ecclesiæ sancte Agathæ, Ecclesiæ sancti Andreæ, Ecclesiæ sancti Andreæ de Cavaniola, Ecclesiæ sancti Sylvestri, Ecclesiæ sancti Laurentij, Ecclesiæ sancti Ægidij, cum Hospitali de Misericordia, quod sibi adjacet. Ecclesiæ de Monte sancte Christine in parochia de Veirone, Ecclesiæ sancti Cypriani in plebato de Bronna. Ecclesiæ sancti Germani, cum Hospitali sibi adjacente, in plebato de Clastego. Ceteræ quoque per Placentinam parochiam constitutæ Ecclesiæ, cum Capellis & decimis suis, que in præsenti ad ius ejusdem Placentinæ Ecclesiæ pertinere noscuntur, sub tua semper tuorūmque successorum episcopali provisione permaneant. Præterea ad exemplar supra memorati Paschalis & fel. mem. Innocentij, Adriani, & Alexandri Romanorum Pontificum, statuimus & præsenti decreto fancimus ut Clerici infra civitatem seu parochiam Placentinam ad beati Sixti Ecclesiæ pertinentes, tibi tuisque successoribus episcopalis juris obnoxij

Y y iii

habeantur; videlicet ut à vobis ordinationem suscipiant, vocati ad Concilium veniant, & de regimine populi dispositiones vestras custodian, chrisma, oleum sanctum, consecrationes altarium sive Basilicarum infra parochiam Placentinam à te vel tuis catholicis successoribus tempore opportuno recipient, siquidem gratiam & communionem apostolicæ sedis habueritis, & ea gratis ac sine pravitate volueritis exhibere. Supradictorum quoque praedecessorum nostrorum bo. mem. Paſchalis, Adriani, & Alexandri Romanorum Pontificum vestigia imitantes, monasterium beati Pauli de Mezano, cum Cellis vel Ecclesiis quas in parochia Placentina possidet, tibi tuisque successoribus episcopali jure subditum perpetuò manere sancimus, ut ejusdem monasterij Abbas quicunque successerit, per vos futuris temporibus benedictionem ordinationis accipiat, & tam ipse quām qui sub eo sunt Clerici ad synodum vestram venire non renuant, sicut haec tenus est obtentum. Ejusdem quoque loci quilibet Clerici vel monachi per vestrum ministerium ad sacros ordines promoteantur, chrisma, oleum sanctum, consecrationes altarium seu Basilicarum in ipso monasterio, sive in cellis ejus aut Ecclesiis in vestra parochia constitutis, à vobis suscipiant, siquidem gratiam atque communionem apostolicæ sedis habueritis, & ea gratis ac sine pravitate volueritis exhibere. Decernimus ergo ut nulli omnino hominum fas sit &c.

Ego Innocentius Catholicæ Ecclesiæ Episcopus subscripsi.  
 Ego Conradus Maguntinus Archiepiscopus & Sabinus Episcopus subscripsi.  
 Ego Octavianus Ostiensis & Velletrensis Episcopus subscripsi.  
 Ego Petrus Portuenis & S. Ruffinæ Episcopus subscripsi.  
 Ego Iohannes Albanensis Episcopus subscripsi.  
 Ego Panduphus Basilicæ XII. Apostolorum Presbyter Cardinalis subscripsi.  
 Ego Petrus tit. S. Cæciliae Presb. Card. subscripsi.  
 Ego Guido S. Mariæ Trans Tyberim tit. Calisti Presb. Card. subscripsi.  
 Ego Hug. Presbyter Cardinalis S. Martini tit. Equitij subscripsi.  
 Ego Iohannes tit. S. Stephani in Cælio monte Presb. Card. subscripsi.  
 Ego Soffredus tit. S. Praxedis Presb. Card. subscripsi.

Ego Bernardus S. Petri ad vincula Presb. Card. tit. Eudoxiae subscripsi.  
 Ego Gratianus S. S. Cosmæ & Damiani Diac. Card. subscripsi.

Ego Gerardus S. Adriani Diac. Card. subscripsi.  
 Ego Gregorius S. Mariæ in Porticu Diac. Card. subscripsi.  
 Ego Nicol. S. Mariæ in Cosmedin. Diac. Card. subscripsi.

Ego Gregorius S. Angeli Diac. Card. subscripsi.  
 Ego Hugo S. Eustachij Diac. Card. subscripsi.

Datum Laterani per manum Raynaldi Acheruntini Archiepiscopi, Cancellarij vicem agentis, VIII. Idus Novembris, Indictione secunda, incarnationis dominice anno MCXCIX. pontificatus vero Domini Innocentij Papæ III. anno secundo.

*ABBATIBVS, PRIORIBVS,  
& universis Ecclesiarum exemptarum  
Prælatis in provincia Rothomagensi  
constitutis.*

Epist. 10.  
De subdicio  
terre sanctæ.  
Vide supra.  
epist. 171.  
**I**nnocentius Episcopus servus servorum Dei dilectis filiis Abbatibus, Prioribus, & universis Ecclesiarum exemptarum Prælatis in Rothomagensi provincia constitutis salutem & apostolicam benedictionem. Formam apostolicę constitutionis nuper salubriter editam pro subdicio terre sanctæ ex litteris quas in singulas provincias destinamus intelligere poteritis evidenter. Monemus igitur devotionem vestram & exhortamur in Domino, ac per apostolica scripta in virtute Spiritus sancti sub divini iudicij obtestatione præcipiendo mandamus, quatinus ad citationem diocefanorum Episcoporum, quam per eos non sua sed nostra fieri auctoritate mandamus, devote ac humiliter accedentes, juxta formam in litteris nostris expressam quadragesimam faltem omnium ecclesiasticorum reddituum & proventuum vestrorum in terra sanctæ subsidium converteratis, ut ejus sitis remissionis participes quam propter hoc aliis indulgemus. Alioquin contemptum nostrum immo redemptoris in vos tanto severius curabimus vindicare, quanto vos specialius diligimus, & in caritatis operibus vos volumus prævenire. Datum Laterani Nonis Ianuarij, pontificatus nostri anno secundo.

*FINIS LIBRI SECUNDI,*